

1 SAN JUAN

Juan Jesucristoyamarē gojadea

1 ¹Gua musārē Jesucristoyamarē gojāa. Neōgoragueta i ūmū āārīburi dupiyuro āārīsiadi āārīmi. I ūmūgue deyoadero pūru, īgūrē guaya koye merā īā, īgū werenīrīrē pēbū. Īgū āārīrīrē īāmasī, guaya mojōrī merā īgūrē moāñabu. Īgū marīrē Marīpū merā āārīnīmakū irigu Marīpūya werenīrīrē weregu āārīmi. ²Īgū, Marīpū merā āārīnīgū, i ūmūgue deyoadi āārīmi, marīrē Marīpū merā āārīnīmakū iribu. Īgū deyoadero pūru, guare īgū Pagū merā perebiri okarire sīgū āārīrīrē masīmakū irimi. Gua īgūrē īāsīā, gua īadeare musārē werea. ³Gua Marīpū merā, irasū āārīmakū īgū magū Jesucristo merā ōārō āārā. Irasirirā gua īā, pédeare musārē werea, musāde gua irirosūta Marīpū merā, Jesucristo merā ōārō āārī, gua merādere ōārō āārīburo, ārīrā. ⁴Irireta gua musārē gojāa, buro usuyari opaburo, ārīrā.

Marīpū āārīrī, boyorigora āārā, ārī gojadea

⁵Jesucristo guare īgūya kere buedeare musārē werea. Āsū ārīmi: “Marīpū āārīrī, boyorigora āārā. Īgūguere naītīārī neō māa. Irasirigu ōārī ditare opagu, nērīrē neō opabi āārīmi”. ⁶Nērīrē irirā naītīārōgue āārīrā irirosū āārīma. Marī, īgūsā irirosū nērīrē iririkukererā, “Marīpū merā ōārō āārī, ōārō yāa”, ārīrā, ārīkatorā yāa. Diayemarē iribea. ⁷Marīpū ōārī ditare irigu irirosū marī ōārīrē iririkurā, boyorigue āārīrā irirosū āārā. Irasirirā, Marīpū merā ōārō āārīrā, marī baside ōārō āārīrā yāa. Jesucristo, Marīpū magū curusague

boagu īgūya dí béodea merā marī nērī oparī āārīpererire koenīkōāmi.

⁸Marī nērīrē irirā: “Nērīrē irirā meta āārā”, ārīrā, marī basita ārīkatorā yāa. Diayema āārīrīrē masībea. ⁹Marī nērō irideare Marīpūre weretaripeomakū, īgū ārīderosūta diayemarē irigu āārīsiā, marī nērō irideare kātipeokōāgukumi. Āārīpereri marī nērī oparire koepeokōāgukumi. ¹⁰Marīpū: “Āārīpererā masaka nērīrē irirā āārīma”, ārīdi āārīmi. Irasirirā marī: “Neō nērīrē iribea”, ārīrā: “Marīpū ārīkatogu āārīmi”, ārīrā irirosū āārā. Īgū werenīrīrē gāāmemerā irirosū āārā.

Juan: “Cristo īgū Pagure marīya āārīburi sērēbosami”, ārī gojadea

2 ¹Yaara, musā yu pūrā irirosū āārā. Yu musārē ire gojāa, nērīrē iribirikōāburo, ārīgū. Marī nērō irimakū, Jesucristo diayemarē irigu īgū Pagure marīya āārīburi āsū ārī sērēbosami: “Īgūsā nērō irideare kātika, īgūsārē wajamoābirikōāka!” ārīmi. ²Jesucristo īgū boari merā marī nērō iridea wajare marīrē wajaribosadi āārīmi. Marī nērō iridea waja ditare wajaribosabiridi āārīmi. Āārīpererā i ūmū marāde īgūsā nērō iridea wajare wajaribosadi āārīmi.

³Marīpū dorerire marī irirā: “Marīpūre diayeta masīa”, ārī masīa. ⁴Sugu Marīpū dorerire iribi: “Yūde Marīpūre masīa”, ārīgū, ārīkatogu yāmi. Diayema āārīrīrē masībemi. ⁵Marīpū dorerire irigu gapū Marīpūre buro maīmi. Irasirigu: “Yu Marīpū merā ōārō āārā”, ārī masīmi. ⁶Irasirirā marī: “Marīpū merā ōārō āārā”, ārīrā, Jesucristo īgū iririkuderosūta iriro gāāmea.

Juan, Marĩpu dorerimarẽ gojadesa

⁷Yaara, yu musãrẽ dapagora gojari, maama doreri meta aãrã. I doreri, musã Jesúya kerere buremunugãdeapogue pédeata aãrã. Irasirirã musã iri dorerire pésiabu. ⁸Iri doreri: “Gãme maĩka!” aãrã. Irasiriro iri doreri, iripogueuma doreri aãrĩkerero, maama doreri irirosu aãrã. Iri dorerire irimerã naĩtĩarõgue aãrĩrã irirosu aãrĩma. Iro dupiyuro musã iri dorerire iribirinerã aãrĩbã. Dapagoreare Cristo irirosu musãde irire irirã yãa. Irasirirã naĩtĩarõgue aãrĩrã irirosu aãrĩbea. Boyorogue aãrĩnugãrã irirosu irirã yãa.

⁹Sugu gajigu ĩgũyagure ĩaturi dookeregu: “Marĩpu dorerire irigu aãrã”, aĩrĩgũ, naĩtĩarõgue aãrĩgũ irirosu aãrĩmi dapa. ¹⁰Gajirãrẽ ĩgũyarãrẽ maĩgũ gapu boyorogue aãrĩgũ irirosu aãrĩmi. ĩgũguere neõ ñeri opari ĩgũrẽ ñerõ irimakũ iriri máa. ¹¹Gajirãrẽ ĩgũyarãrẽ ĩaturi doorikũgu gapu naĩtĩarõgue waagorenagũ irirosu ñerĩrẽ iririkũgu aãrĩmi. ĩgũ ñerĩrẽ iririkũri waja, koye ĩabi ĩgũ waaburore masĩbi irirosu Marĩpu dorerire neõ masĩbi aãrĩmi.

¹²Yu musãrẽ yu pũrã irirosu aãrĩrãrẽ gojãa. Marĩpu, Jesucristo ĩgũ boari merã musã ñerõ iridea wajare wajaribosari merã musã ñeri irideare kãtidi aãrĩmi. Irasirigu musãrẽ gojãa. ¹³Musã pagusãmarã, musã Cristore neõgoragueta aãrĩdire masĩa. Irasirigu musãdere gojãa. Musã maamarã, wãtĩrẽ tarinũgãnerã aãrã. Irasirigu musãrẽ gojãa.

¹⁴Musã Marĩpure masĩa. Irasirigu musãrẽ yu pũrã irirosu aãrĩrãrẽ gojãa. Musã pagusãmarã, musã Cristore neõgoragueta aãrĩdire masĩa. Irasirigu musãrẽ gojãa. Musã maamarã, Marĩpure gũñaturarã ĩgũ werenĩrĩrẽ gããmerã, wãtĩrẽ tarinũgãnerã aãrã. Irasirigu musãrẽ gojãa.

¹⁵I ãmũrẽ, i ãmũma ñerĩrẽ maĩbirikõãka! Sugu i ãmũmarẽ maĩgũno, Marĩpure maĩbemi. ¹⁶I ãmũma ãsu aãrã. Masaka noõ gããmerõ ñeri waribejari,

gajinorẽ ĩa buro gããmerĩ, gajirã nemorõ opari merã wũyari aãrã. Iri Marĩpũyama aãrĩbea. I aãrĩpereri i ãmũma dita aãrã. ¹⁷I ãmũ pereburo yãa. Aãrĩpereri masaka ĩgũsã i ãmũma ñeri waribejaride pereakõãrokoa. Marĩpũya gapu neõ perebirikoa. Irasirirã, Marĩpu gããmerĩrẽ irirã ĩgũ merã aãrĩnkõãrãkuma.

Juan: “Diyema aãrĩrĩ, diyema aãrĩbirĩ aãrã”, aĩrĩ gojadesa

¹⁸Musã yu pũrã irirosu aãrĩrã, i ãmũ pereburo mero dũyãa. I ãmũ pereburo dupiyuro Cristore ĩaturigu aarigũkumi. Musã irire pésiabu. Dapagoradere gajirã Cristore ĩaturirã wãrã aãrĩsiamã. Irasirirã marĩ i ãmũ pereburo mero dũyarire masĩa. ¹⁹ĩgũsã Cristore ĩaturirã marĩ merã aãrĩnerã aãrĩkererã, marĩyarã diaye aãrĩbema. Irasirirã aãrĩpererã marĩrẽ beo wiriama. ĩgũsã irasirimakũ ĩãrã, masĩa. ĩgũsã marĩyarã aãrĩnerã, marĩ merã dujabonerã aãrĩmã.

²⁰Cristo musãrẽ Ōãgũ deyomarĩgũrẽ sĩsiadi aãrĩmi masĩri opadoregu. Irasirirã musã aãrĩpererã Ōãgũ deyomarĩgũ merã Jesucristoya kere diyema aãrĩrĩrẽ masĩa. ²¹Irasirigu yu musãrẽ gojagu: “Diyema aãrĩrĩrẽ masĩbea musã”, aĩrĩ gojagu meta yãa. Musã diyema aãrĩrĩrẽ masĩsĩã: “Jesucristoya kere, diyema aãrĩrĩ, neõ aĩrĩkatori kere meta aãrã”, aĩrĩ masĩa. Irasirigu musãrẽ gojãa.

²²Aĩrĩkatorikũrã gapu ãsu aĩrĩma: “Jesús, Marĩpu iriudi Cristo aãrĩbemi”, aĩrĩma. Irire irasũ aĩrĩrã Cristore ĩaturirã aãrĩma. ĩgũrẽ Marĩpu magũ aãrĩrĩrẽ buremubirisĩã, ĩgũ Pagudere buremubema. ²³Noó: “Jesús, Marĩpu magũ aãrĩbemi”, aĩrĩrãno ĩgũ Pagu merãdere õãrõ aãrĩbema. “Jesús, Marĩpu magũ ĩgũ iriudi Cristo aãrĩmi”, aĩrĩrã gapu ĩgũ Pagu merãdere õãrõ aãrĩma.

²⁴Irasirirã, Jesucristoya kerere musã buremunugãdeapogue pédeare õãrõ gũñadurĩpĩka! Irire gũñadurĩpĩrã, Jesucristo merã, ĩgũ Pagu merãdere neõ piro marĩrõ õãrõ aãrĩnkõãrãkõa.

²⁵ Jesucristo marîrê âsû ârî weresiâmi: “Yurpu merâ perebiri okari sigukoa musârê”, ârîmi.

²⁶ Gajirâ musârê ârikatori merâ bueduama. Irasirigu musârê irire gojâa, Îgûsâ ârikatorire përi, ârigû. ²⁷ Îgûsâ musârê irasû ârikatokeremakû, Jesucristo gapu musârê Ôâgû deyomarîgûrê sisiadi âârîmî masîri opadoregu. Irasirigu Ôâgû deyomarîgû musâ merâ âârînisâ, neô ârikatori marîrô âârîpereri diayema âârîrîrê musârê masîmakû yâmi. Irasirimakû îârâ: “Gajirâ guare diayema âârîrîrê buemakû gâamea”, âribirikôâdorea. Irasirirâ, Ôâgû deyomarîgû musârê buerosûta Cristo merâ ôârô âârînikôâka!

²⁸ Irasirigu yu musârê yu pûrâ irirosû âârîrârê: “Cristo merâ ôârô âârînikôâka!” ârî werea. Marî irasirirâ, Cristo i ûmugue dupaturi aarimakû, neô giûiri marîrô Îgû Îûrôrê gûyasîrîri marîrô gûñaturari merâ Îgûrê ôârô bokatîrîneârâkoa. ²⁹ Jesucristo Marîpu magû diayemarê irigu âârîrîrê musâ masia. Irasirirâ, âârîpererâ diayemarê irirâno Marîpu pûrâ âârîma. Idere musâ masia.

Musâ Marîpu pûrâ âârâ, ârî gojadea

3 ¹ Marîpu marîrê maïtarimi. Irasirigu marîrê: “Yu pûrâ âârîma”, ârîmi. Irasirirâ Îgû pûrâ âârâ marî. I ûmu marâ ñerâ Marîpûre masîbema. Irasirirâ marîdere Îgû pûrâdere masîbema. ² Yaarâ yu maîrâ, yu musârê werea. Marîpu pûrâ âârâ marî. Pûrugue marî âârîburire marî ôârô masîbea dapa. Cristo dupaturi aarimakûgue diayeta irire masîrâkoa. Îgû aarimakû îârâ: “Âsûta âârîmi”, ârî masîrâkoa. Irasirirâ, Cristo aarimakûgue, marî Îgû irirosû âârîrâkoa. ³ Îgû irirosû âârîburire gûñarâno: “Îgû irirosûta ôârîrê iriro gâamea marîrê”, ârîrâ, ñerî iririre piri, ôârî gapure irirâ yâma.

⁴ Âârîpererâ ñerîrê irirâ, Marîpu dorerire tarinugârâ âârîma. Ñerô iriri, Marîpu dorerire tarinugârî âârâ.

⁵ Jesucristo marî ñerô iridea wajare

peremakû iribu i ûmugue aaridi âârîmî. Îgûrê ñerî opari neô máa. Musâ irire masîa. ⁶ Irasirirâ âârîpererâ Îgû merâ ôârô âârînîrâ, ñerîrê irinirâ meta âârîma. Ñerîrê irinirâ gapu Îgûrê neô masîbiri, Îgû âârîrikuridere masîbema. ⁷ Yaarâ, yu pûrâ irirosû âârîrâ, ôârô pémasîka! Gajirâ musârê ârikatomakû, Îgûsârê pébirikôâka! Sugu diayemarê iriguno, Jesucristo irirosû ôâgû âârîmi. ⁸ Ñerîrê irinîgu wâtîyagu âârîmi. Wâtî neôgoragûeta ñerîrê irinugâdi âârîmi. Irasirigu Marîpu magû Jesucristo wâtî ñerî iririre béogu i ûmugue aaridi âârîmî.

⁹ Marîpu Îgû pûrârê Îgû irirosû âârîrikumakû iridi âârîmî. Irasirirâ ñerîrê irinîbema. Marîpu pûrâ âârîsîâ, ñerî ditare irinîmasîbema. ¹⁰ Marîpu pûrârê, wâtî pûrâdere âsû îâmasîa. Wâtî pûrâ, Marîpu pûrâ irirosû âârîbema. Diayemarê irinîmerâ, gajirâ Îgûsâyarârê maïmerâ, Marîpu pûrâ âârîbema.

Gâme maïdoredea

¹¹ “Marîrê gâme maïrô gâamea”, ârî bueri, musâ Jesûya kerere buremunugâdeapoegue pédeata âârâ. ¹² Irasirirâ marî Caïn iripoeguemu iriderosû iribirikôârâ! Caïn wâtîyagu âârîsîâ, Îgû pagumurê wêjêbéokôâdi âârîmî. ¿Nasirigu Îgûrê wêjêyuri? Îgû ñerîrê irinîdi âârîmî. Îgû pagumu gapu diayemarê irinîdi âârîmî. Îgû irasû iriri waja, Caïn Îgûrê îâturi doo, wêjêbéokôâdi âârîmî.

¹³ Yaarâ, i ûmu marâ ñerô iririkurâ marî ôârîrê iriri waja marîrê îâturi doomakû îârâ: “¿Nasiriro irasû waarî yure?” ârî gûñabirikôâka! ¹⁴ Iripoeguere marî peamegue waamurâ dita âârînerâ âârâdibu. Dapagora gapure marîyarârê maîsîâ: “Marîpu marîrê Îgû âârîrôgue waamurâ âârîmakû iridi âârîmî”, ârî masîa. Sugu gajigu Îgûyagûre maîbino, peamegue waabu âârîmi dapa. ¹⁵ Îgûsâyarârê îâturi doorâno Marîpu Îûrôrê masakare wêjêbéorâ irirosû âârîma. Masakare wêjêbéorâ Marîpu merâ perebiri okari opamerâ

ääríma. Irire musā masía. ¹⁶Jesucristo mariya aariburire marirē boabosadeare gūñarā, ĩgū marirē burō maĩrērē masía. Irasirirā maride mariyararē maĩrā, ĩgūsāya aariburire boamarē aarikererā, ĩgūsārē iritamurō gāamea. ¹⁷Sugu wári ĩgū aariburire opagu gapu ĩgūyagure bopogure ĩakeregu, ĩgūrē bopoña sibi, Marĩpu maĩrōsū maĩbemi. ¹⁸Yaarā yu maĩrā: “Marĩ gajirārē maĩa”, ārĩ werenirā, ĩgūsārē iritamurā, ĩgūsārē diaye maĩrērē masĩmakū yāa.

**Marĩpu ĩūrō gũiro marirō
aarĩrĩrē gojadea**

¹⁹Gajirārē maĩrā: “Marĩ diayeta Marĩpu pūrā aarā”, ārĩ masía. Irasirirā, ĩgū ĩūrō gũiro marirō aarĩmasia. ²⁰Marĩ basi: “Ñerō iriakubu, irasirigu waja opakoa”, ārĩ gūñarikukeremakū, Marĩpu aarĩpererire masĩgū, marĩ nemorō marĩ aarĩrikurire masĩmi. Irasirigu marirē oārō aarĩrikumakū irimasĩmi. ²¹Yaarā yu maĩrā: “Marĩpu ĩūrō marĩ ñerĩ iridea wajare opabea”, ārĩ gūñarā, ĩgū ĩūrō gũiro marirō gūñaturari merā aarĩmasia. ²²Irasū aarĩmakū ĩgū dorerire ĩgū gāamerirē marĩ irimākū ĩāgū, ĩgūrē marĩ sērērĩrē sĩgukumi. ²³ĩgū marirē doregu, ašū ārĩmi: “Yu magū Jesucristore buremuka! Irasū aarĩmakū, ĩgū musārē dorederosūta gāme maika!” ārĩmi. ²⁴Marĩ ĩgū dorerire irirā, ĩgū merā oārō aarĩnikōāa. ĩgūde marĩguere aarĩnikōāmi. ĩgū marirē Ōāgū deyomarĩgūrē sĩsiami. Irasirigu ĩgū marĩguere aarĩnĩrĩrē Ōāgū deyomarĩgū merā marirē masĩmakū yāmi.

**“Marĩpu weredorederosūta
wererā aarā”, aarĩyamarē
masĩdorea, ārĩ gojadea**

4 ¹Yaarā yu maĩrā, musārē werea. Dapagorare i ũmarē wārā: “Marĩpu weredorederosūta wererā aarā”, aarĩkererā, aarĩkatorā aarĩma. Irasirirā, aarĩpererā musā masĩmerā musā purogue buerā ejamakū, mata ĩgūsā buerire buremubirikōāka!

ĩgūsā buerire pērā: “¿Diayeta Marĩpu buedoreri aarĩrĩ? ¿Ōāgū deyomarĩgūrē oparā aarĩrĩ irasū ārĩ wererā?” ārĩ gūñaka! ²Ōāgū deyomarĩgūrē oparāno, ašū ārĩma: “Jesucristo marĩ irirosū dũpukugu i ũmũguere aaridi aarĩmĩ”. Musā, ĩgūsā irire irasū aarĩmakū pērā: “Ōāgū deyomarĩgūrē oparā, Marĩpu dorederosūta werema”, ārĩ masĩrākoa. ³“Jesús marĩ irirosū dũpukugu i ũmũguere aaridi aarĩmĩ”, aarĩrē buremumerā gapu Ōāgū deyomarĩgūrē opabea. Cristore ĩaturigure doreguta ĩgūsādere doremi. Musā, Cristore ĩaturigu aariburire pēsĩabu. Dapagoradere ĩgūrē doreguta i ũmũguere aarĩsiami.

⁴Musā yu pūrā irirosū aarĩrā, Marĩpuyarā aarā. Ōāgū deyomarĩgū musāguere aarĩmi. Wātĩ ĩgūyarārē i ũmũgue aarĩrārē doregu aarĩmi. Ōāgū deyomarĩgū gapu, wātĩ nemorō turagu aarĩmi. Irasirirā, aarĩkatori merā wererā wererire buremubiri, ĩgūsārē tarĩngūsiabu. ⁵Arĩkatori merā wererā i ũmu marā aarĩma. I ũmuma ditare werema. Gajirā i ũmu marā ĩgūsā irirosū aarĩrāta ĩgūsā wererire pēma. ⁶Marĩ gapu Marĩpuyarā aarā. Marĩpũre masĩrāno, marĩ wererire pēma. Gajirā ĩgūyarā aarĩmerā gapu, marĩ wererire pēbema. Irasirirā marĩ ašū ārĩ masía: “Marĩpuyarā aarĩrāno, Ōāgū deyomarĩgū dorerosūta diayema aarĩrĩrē wererārē pēma. Marĩpuyarā aarĩmerā gapu, wātĩ dorerosūta aarĩkatori merā wererārē pēma”, ārĩ masía.

**Marĩpu diayeta aarĩpererārē
maĩgū aarĩmi, ārĩ gojadea**

⁷Yaarā yu maĩrā, musārē werea. Marĩ gāme maĩmakū, Marĩpũta irasirĩmakū yāmi. Irasirirā marĩ gāme maĩrā! Gajirārē maĩrāno, Marĩpu pūrā, ĩgūrē masĩrā aarĩma. ⁸Marĩpu diayeta aarĩpererārē maĩgū aarĩmi. Irasirirā gajirārē maĩmerāno ĩgūrē masĩbema. ⁹Marĩpu ĩgū magū sugu aarĩgūrē i ũmũgue iriudi aarĩmĩ, marirē ĩgū merā pereguri okarire opaburo, aarĩgū. ĩgūrē

iriugu, igû marîrê maîrîrê masîmakû iridi âarîmî. ¹⁰Igû marîrê maîrî, marî igûrê maîrî irirosû meta âârâ. Igû gapu marîrê diayeta maîsîâ, igû magûrê iriudi âarîmî, igû boari merâ merâ ñerô iridea wajare wajaribosadoregu. Irasirigu iri merâ marî ñerô irideare kâtimi.

¹¹Yaarâ yu maîrâ, musârê werea. Marîpu marîrê maîmakû îarâ, marîde gâme maîrô gâamea. ¹²Neô sugu masaku Marîpure îadi mâmi. Igûrê îâbirikeremakû, marî gâme maîmakû, marî merâ âarînikôâmi. Irasirigu, igû maîrôsûta marîrê gajirârê ôârô maîmakû yâmi. ¹³Marîpu Ôâgû deyomarîgûrê marîrê sîdi âarîmî. Irasirîrâ, Ôâgû deyomarîgû merâ Marîpu marî merâ âarînîrîrê, marîde igû merâ âarînîrîrê masîa. ¹⁴Gua, Marîpu magûrê îânerâ âarîsîâ, gajirârê: “Marîpu igû magûrê iriudi âarîmî, i ãmu marârê igûsâ ñerô iridea wajare taudoregu”, ârî werea. ¹⁵“Jesús, Marîpu magû âarîmî”, ârîrânô, Marîpu merâ âarînîma. Igûde igûsâ merâ âarînikôâmi.

¹⁶Irasirîrâ: “Marîpu marîrê maîmi”, ârî masîa. “Igûta marîrê maîmi”, ârî buremua. Igû diayeta âarîpererârê maîgû âarîmî. Sugu gajirârê maîgûno, Marîpu merâ âarînîmi. Marîpude igû merâ âarînikôâmi. ¹⁷Irasirigu igû marî merâ âarînîsîâ, igû maîrôsûta marîrê gajirârê ôârô maîmakû yâmi. Igû âarîpererâ ñerârê peamegue wajamoârînu ejamakû, marîrê güiri marîrô âarîburo, ârîgû, irasû yâmi. Marî güiri marîrô âarîrâ, Jesucristo i ãmugue âarîgû Marîpu merâ ôârô âarîderosûta marîde igû merâ ôârô âârâ. ¹⁸Marîpure maîrâ, igû marîrê maîrîrê masîrâ, güiri marîrô âârâ. Irita marîrê neô güibirimakû yâa. Sugu: “Marîpu yure wajamoâgukumi”, ârî güñagûno, güimi. Igûrê ôârô maîbi, igû igûrê buro maîrîrê masîbi âarîmî.

¹⁹Marîpu, marî igûrê maîburi dupiyuro marîrê maîpûroridi âarîmî. Irasirîrâ marîde igûrê maîa. ²⁰Sugu masaku gajigure igûyagure îaturi doogu: “Yude Marîpure maîa”, ârîgû, ârîkatogu âarîmî. Gajigure igû îâgûrê

maîbi, Marîpure igû îâbire maîmasîbemi. ²¹Jesucristo i doreri marîrê pîmi: “Marîpure maîrâ, gajirâdere maîrô gâamea”, ârîmi.

Marîpu pûrâ âarîrâ ñerî iririre piri, ôârî gapure yâma, ârî gojadea

5 ¹“Jesús, Marîpu magû igû iriudi Cristo âarîmî”, ârî buremurâno, Marîpu pûrâ âarîma. Marîpure maîrânô, igû pûrâdere maîma. ²Marî, Marîpure maîrâ, igû dorerire irirâ, igû pûrâdere maîa. Irire marî masîa. ³Marîpure maîrâ, igû dorerire irirâ yâa. Igû dorerire irimakû diasâbea. Nûkûrîrê ûumarô irirosû âarîbea. ⁴Irasirîrâ âarîpererâ Marîpu pûrâ i ãmuma ñerî iririre piri, irire irinîbema. Marî Jesucristore buremuri merâ i ãmuma ñerî iririre piri, ôârî gapure irimasîa. ⁵“Jesús, Marîpu magû âarîmî”, ârî buremurâ dita i ãmuma ñerî iririre piri, ôârî gapure irimasîma.

Marîpu magûyamarê gojadea

⁶Jesucristo i ãmugue âarîgû, deko merâ wâïyesûmi. Pûru boagu, igûya dí béomi. Irasirîrâ marî, igû deko merâ wâïyesûdeare, igûya dí béodeadere masîrâ: “Jesús, Marîpu magû âarîmî”, ârî masîa. Igû deko merâ wâïyesûdea ditare marîrê merâ irire masîbea. Ôâgû deyomarîgû marîrê i Jesucristoyamarê masîmakû yâmi. Igûta marîrê diayema âarîrîrê masîmakû irigu âarîmî. ⁷Ûmugasiguedere: “Jesús, Marîpu magû âarîmî”, ârî wererâ, wêrerâ âarîma. Marîpu, igû magû, Ôâgû deyomarîgû âarîma. Igûsâ wêrerâ âarîkererâ, suguta âarîmî. ⁸I nikûguedere Ôâgû deyomarîgû marîrê Jesús, Marîpu magû âarîrîrê masîmakû yâmi. Irasû âarîmakû, marî Jesús deko merâ wâïyesûdeare, igûya dí béodeadere masîrî merâ: “Jesús, Marîpu magû âarîmî”, ârî masîa. Iri merâ marî ôârô masîa. ⁹Masaka marîrê igûsâ îadeare weremakû péra, igûsâ wererire buremua. Marîpu marîrê wereri gapure, masaka wereri nemorô buremurô gâamea. Irasirîrâ, igû magûyamarê

wererire buremurō gāamea. ¹⁰Marīpu magūrē buremurāno, ĩgūyamarē wererire: “Diayeta āārā”, āri gūñama. ĩgū magūyamarē wererire: “Diaye āārībea”, āri gūñarā gapu: “Marīpu ārikatogu āārīmi”, ārirā irirosū āārīma. ¹¹Marīpu ĩgū magūyamarē āsū āri weredi āārīmí: “Yu magūrē buremurārē yu puro perebiri okarire opamurā āārīmakū iribu”, āridi āārīmí. ¹²ĩgū magūrē buremurī oparāno, ĩgū puro i perebiri okarire oparākuma. ĩgūrē buremurī opamerā gapu iri okarire opabirikuma.

Juan gojatūnudea

¹³Yu musārē Marīpu magūrē buremurārē irire gojáa, Marīpu puro perebiri okari opaburire masīburo, ārīgū.

¹⁴Marīpure ĩgū gāamerōsūta marī sērēmakū, ĩgū marīrē pémi. Irasirirā irire masīrā, guiro marīrō gūñaturari merā ĩgūrē sērēmasīa. ¹⁵Irasū sērērā, ĩgū marīrē périre, marī sērērōsūta ĩgū siburidere masīa.

¹⁶Musā, sugu musāyagure ñerī irimakū ĩārā, ĩgūya āārīburire Marīpure sērēbosaka! “ĩgū ñerō iridea, ĩgūrē peamegue béomakū iriri āārībea”, āri masīrā, ĩgūya āārīburire sērēbosaka! Irasirigu Marīpu ĩgūrē ĩgū puro perebiri okari opabu āārīmakū irigukumi. Gaji ñerō iriri gapu, masakare peamegue

béomakū iriri āārā. Sugu masaku irireta irimakū ĩārā: “ĩgūya āārīburire Marīpure sērēbosaro gāamea”, ārībea yu musārē. ¹⁷Āārīpereri ñerō iriri, Marīpu dorerire tarinugārī āārā. Irasū āārīkerero, āārīpereri ñerī iriri, masakare peamegue béomakū iribeas. Marīpu āārīpereri ñerī iririre: “Neō kātibirikoa”, ārībemi.

¹⁸Ire marī masīa. Marīpu magū marīrē ĩgū Pagu purā āārīrārē oārō koreri merā iritamumi. Irasirirā marī ñerīrē irinībea. Wātī marīrē ñerō iriduakeregu, marīrē poyanorēmasībemi.

¹⁹Marī, Marīpu purā āārā. Wātī āārīpererā i ũmu marā ñerārē doregu āārīmi. Irire masīa marī.

²⁰Gajidere masīa. Marīpu magū marīrē pémasīrī sīgū, i ũmugue aaridi āārīmí: “Marīpu diayeta āārīnīgū āārīmí”, āri masīburo, ārīgū. Jesucristo merā oārō āārīnīsīā, ĩgū Pagu merādere oārō āārīnīkōārā yāa. Jesucristo diayeta Marīpu āārīmí. ĩgūta marīrē ĩgū puro perebiri okari sīgū āārīmí.

²¹Irasirigu musārē yu purā irirosū āārīrārē werea. Gajirā masaka buremurā keori weadeare buremubirikōāka! Marīpu ditare buremuka! Irasūta iriro gāamea.

Iropata āārā.

Juan